



## **Universitätsbibliothek Paderborn**

**Evropeae Historiae Societatis Iesv Pars ...**

Anglia

**Bartoli, Daniello**

**Lvgdvni, 1671**

Capvt II. Quæ causa fuerit mißionis Anglicæ lentiùs admittendæ; eius ipsa  
ex Anglia petitæ rationes; Cleri Anglicani virtus, & doctrina. Juniores illius  
Ministellorum vafricies tentat. Ad eam ...

**urn:nbn:de:hbz:466:1-10773**

Quæ causa fuerit missionis Anglica lentiùs admittendæ; eius ipsa ex Anglia petita rationes; Cleri & Anglicani virtus, & doctrina. Juniores illius Ministellorum vafricies tentat. Ad eam expeditionem Patres suam certatim operam deferrunt. Cura illius Personio, & Campiano committitur.

## CAPVT II.

**A**e nihilominus Generalium nostrorum cunctatione in speciem tam lenta, nihil fuisse vel ad rem prudentius, vel opportunius potuit, et si aliquo Mercurianum æquè nihil vreret, vt ardor iuuandæ per nostros Anglia, quibuscumque tandem id staret periculis. Expetebantur illic magnis desideriis ab vtroque, Cleri, & Laicorum ordine, cuius apud scriptores illorum temporum leguntur testimonia lucu-lenta. Vnum vice omnium hic reddo Seminarij Remensis cuius alumni omnes; inter alia [ monemur, inquiunt, nostra ex Anglia, Societatis Patres illic vehementer à Catholicis optari, & peti, haberique ab iis pro indubitate, si pedem semel in ea fixerint, messe vberrima coronaturos illam Ecclesiam. Ad hoc Patres illos crebris literis postulatos, & quicumque ab Anglia veniunt idem rogare ac poscere. ] Hæreticis contra nihil erat tam formidabile vt nostrorum ingressus in Angliam, quem iis & procul ex Anglia Calvini Asseclæ, & Lutheri ex Germania propijs intercludi modis omnibus debere per literas monebant, nimium experti quantis se afficerimus damnis; Marte quām serio & aperto suas conuelleremus sectas; & sua in summum Pontificem odia; suorum ad hæc in Anglia, & nostræ lucubrations prouocatoriæ, quām nos sibi probarent esse contrarios, & infensos. Sic ergo utrumque animo comparatis perspicuum erat, magnis illic nostrorum aduentu certatum iri motibus, vt statim factum est, cùm primi duo appulissent, orthodoxis iuxta & hæreticis de illorum ingressu, toto regno varia vbiique iactantibus. Cùm vero penes hæreticos rerum omnium summa verteretur, clatum erat ab iis prodituras, in Sacerdotes, Seminaria, & Catholicos edictiones sanguinarias crudeliores prioribus, vt re ipsa paulo post contigit quām ij quos diximus è nostris duo applicuissent in Angliam. Iam suopte instinctu sì vlrò Societas, aut cuiusvis rogatu se illuc

illuc intrusisset, aut valde me fallit futuri conjectura de præteritorum experientia, vel præla, fora, tribunalia, & omnium aures querelis in nos, & calamniis feruerent, tanquam autores tempestatis, temerarios, & turbatores tranquillii publici, prœinde regno prudenter amouendos, aut ignominiosè exturbandos. Cunctatione verò tot annorum ad multorum preces, & Instituti nostri monita velut surdis, gentisque egregiè meritæ amori diu parum gratis, post verò, etiam Pontificis Maximi Gregorij XII. auctoritate, iussuque eō missis, nihil querelarum fuit metuendum nihil criminacionis, & accusationum, quicquid tandem malorum, evenitus inuexisset, dum (quod semper solerti cautione curatum) consultè omnia ageremus, neque alios nunc metus innuo, nisi proritandarum exterius procellatum, & incrudefcentium edictorum; nam vel duo tantum qui primum Angliam subière, lapsorum tot millia restituere sanæ menti, ut omnem nostri expectationem vicerint, & amorem. Certè Campanius die uno, plures mortis lux spectaculo ad Ecclesiam reduxit hæreticos, quād multis post annis, arte, armisque à religione hæresis auertit. Quod erit à nobis suo loco, liquido probandum.

Porro hæc nostra lentitudo, timidioris licet visa consilij ut est eorum qui vident longius, nec in futuris possibile satis à probabili discernunt, reprehensa est tamen, & doleo, præcipitatae festinationis. Clerus Anglicanus, quantum virtute & sapientia Ecclesiæ ceteris emineret si est inuidiosum apud me legere, dicat Thomas Morus integerrimæ vir fidei, & sanctimoniacæ, quantum, inquit, & meis oculis, & fide dignis credere debui, [audacter affero Ecclesiasticum Angliæ ordinem, cāmque maximè eius partem, quæ secularium dicitur Clericorum, vitæ probitate, & scientia, cuius alteri totius orbis Christiani aut esse parem, aut si venia detur comparationi, superiorē] needum tamen spectaret, ex eodem Sacerdotes centum diuersis mortibus religioni Catholicæ litare; quod si viri tanti, sed Catholicī fidem suspectam habet hæreticus, in promptu sunt nobis etiam hæretici, quibus euidentia meritorum duplē illam virtutis & doctrinæ laudem iisdem Henrici octauī temporibus expressit.

Ex his, eadēmque profectis educatione fuere Sacerdotes, qui nostros primum Angliam ingressos, quād ardenter optarant. Tām sunt benevolè cupidéque amplexi; tām deinde illos, eorumque postea socios liberaliter, magnificèque celebrarunt; & beatam prorsus illam Ecclesiam, si consensionem illam animorum in Dei opere constanter tenuisset. At enim humanae infirmitatis errore infelicissimo, & ministellarum fraude maledica factum est ut dissolueretur, scindereturque in partes oppositas, quarum nec maior nec melior, quantum valuit contendit, nostros omnes regno elicerre. Color mendacio contra nos, & iniuriæ illitus, missis in vulgus libris Sacerdotali stylo tam indignis ut illos postea sui quoque erubuerint autores; eterodoxi mirè prædicarint. Penetrasse se Societatem in Angliam anno 1580. nec iussam nec vocatam, primo statim suo aditu turbasse omnia, causam damnis deditæ ingentibus, & acerbissimis in Catholicos edictis.

K

Et erant hæ quidem & sunt hodiéque Protestantum meræ fraudes, verum aliis idcirco in ore positæ ut fierent credibiores, nōsque magis populo exosi. Sed erit cum ignes suppositos cineri, vel suspensis obib[us] vestigiis, vel fortè præteribo, quod nunc mihi non fuit liberum, ne cunctationes Mercuriani longas, meo silentio damnarem velut indefensas, quas rationibus occultis alij Prouidentiæ communis non satis tuebantur, alij nec veris, nec decoris, quod Societati tunc deessent Angli qui possent pondus tantæ missionis cum dignitate sustinere.

Vt verd Alanus Mercuriani moras rogando expugnauit, Pontifex autem innuendo, Oliuerius Manafeus Germaniæ, Galliæque tunc Assistent procurando; quantis eam prensarint studiis tūm Angli tūm externi, dicat ipse Alanus, qui partem illorum saltem aliquam vidit [ dicam quod res est, inquit, vt primum percrebruit inter Societatis Patres, quos vulgus nominat Iesuitas, decretum esse vt ex iis in Angliam aliqui mitterentur, prout tempus, & occasio ferret, incredibile dictu, sed teste Deo, verum est quod scribo; viri scientia præstantes, non Angli modo, sed diuersarum quoque nationum ad Prælati pedes cum lachrimis, & significatione intimi affectus illam sibi ambiere Prouinciam, vt palam in Academiis, aut Protestantes reuincerent, aut nobilissimo in regno, pro vera fide animas ponerent, à qua illud tam procul exerrare vehementissimè dolebant ] hic si Alanus aliquos notasset externorum qui missionem hanc tanto ardore prensauerant, non minasset profecto Claudium Aquauiam, tunc quidem Prouinciæ, Societati deinde Præpositum, quo illam nemo feruentiori ambitu petiuit.

Iam tanti moliminis expeditionem quām serio Societas nostra oblatam acceperit, quantos ad eam attulerit spiritus, quo fructu obierit, testem Campiano qui pars eius fuit, non possum dare, magis idoneum, Elizabethæ consiliarios, hac prouocatione admonentem. [ Ad Societatem nostram quod attinet, scitote, nos ait, quām latè orbis patet, eo numero esse & iis succidaneis augeri, vt possimus durando vestras omnes disicere machinas, omnes verd sanctè coniurasse ad crucis quascumque nobis imposueritis ingentibus animis perferendas, nec desperaturos vñquam salutem vestram, quamdiu vel vñus de nostris fuerit vestro ex Tiborno, & è vestris superstes laniensis. Res est maturè iam deliberata, & cum bono Deo, pugnam quæ nunc initur nec vlla vis, nec impetus franget. Sic fides principio consta, sic referenda est, sic eius quod perit reparandum ] hæc ipse Campianus, cui cum Personio sors felix obtigit vt essent illius Apostolicæ operæ conditores, probante plurimam Alano, conditores inquam, ex quo illam suscepit Generalis non temporariam, sed continuandam in posterum, & perpetuandam; quod Societati nondum propositum fuerat cum illuc anno 1546. traiecit P. Thomas King aliique de nostris per annos deinceps decim.

De Campiano & Personio quorum alter doctrina & sanguine, annotum alter triginta sudoribus eam insulam rigauit, interest scire cuiusmodi fuerint, qualésve illuc à nobis discedant.

Campian i